

ତୀତସକ ନିକଟକୁ ପାଉଲଙ୍କ ପତ୍ର ତିତସ୍‌ନେ ତାଗ୍ରା ପାଉଲ୍‌ନେ ଉଲିଆଃ ତିତସ୍ ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପାଉଲ୍‌ନେ ଅଁକ୍ଲିଗ୍ ଉଲିଆଃ ବିତ୍ରେବାନ୍ ତିତସ୍ ଉଲିଆଃ ମୁଇଙ୍ଗ୍ । ମେଃନେ କି ମୁଇଙ୍ଗ୍ ମଣ୍ଡୁଲି ବାଦୁଲ୍ ରେମୁଆଁକେ ପରିଚୟ ବିଃଏ । ବିନ୍ ଞ୍ଜିକ୍ଲିଗ୍ ଉଲିଆ ତିଂତିଂକେ ମୁଲ୍ ତିମତି ମ୍ବାର୍ ତିମତି ବାରି ଫିଲିମନ୍ । ପାଉଲ୍ ତିତସ୍‌କେ ଗୁଆରତିଂକେ ଜେ ମେଁ ତିରକମ୍ ସାପାରେନେ ତାଗ୍ରା ମାଲେ ଖାସାରରେ ଆକେନ୍ ଉଲିଆ ଲଃଆରଏ । ବେକ୍ଲେ ସୁଗୁଆ ମେଁନେ ଦରକାର ବିସଏ ଆଃବୁଜେ ବିଏ । ଆକେନ୍ ଉଡ଼ି ଚାନ୍‌ନିଆ ତିତସ୍ ସେନ୍‌ଗ୍ ମ୍ୟାଃଲେଃକେ । ତିଂଏତ କ୍ରିଷ୍ଟନେ ଜନମ୍‌ନେ ୬୩ ରୁ ୬୫ ବିତ୍ରେ ପାଉଲ୍ ଆକେନ୍ ଉଲିଆ ଗୁଆରଏ ।

ପାଉଲ୍ ଚାକରନେ ଦିପ୍‌ନିଆ ମଣ୍ଡୁଲିଙ୍ଗକେ କିକେନ୍ତୁ ତିଂନେସା ତିତସ୍‌କେ ଆଦେସ୍ ବିଏ । ଆଡେନ୍ ସମାନ୍ ସିକ୍ୟା ତିମତିକେ ଶ୍ରିଗ୍ ବିବକେ । ପାଉଲ୍ ଆକେନ୍ ଉଲିଆନ୍‌ନିଆ ତିତସ୍‌କେ ମଣ୍ଡୁଲିନେ ମ୍ବାରେଇଂକେ ସ୍ତ୍ରିନେ ବାରି ପୁରସ୍କାର ବିନେ ବିସଏରେ ଗୁଆରତିଂକେ । ଆକେନ୍ ମଣ୍ଡୁଲି ଆରି ମଣ୍ଡୁଲିନେ ନେତାଙ୍ଗନେ ନେତା କାମ୍ ତିଂନେ ନ୍‌ସା ଇସ୍‌ପରନେ ଇକ୍‌ଚା ଅନୁସାରେ ତିରକମ୍‌ନେ ଦରକାର ତିଂନେ ଦରକାର ଜନ୍‌ରେ ଏତେ ଦିଆନ୍ ବିନେ ଦରକାର ଆଡେନ୍ ଚିଟିନ୍‌ନିଆ ବାସଙ୍ଗ୍ ।

ସାସ୍ତ୍ର ବିତ୍ରେ ଲେଃକ୍ଲେ ସାମୁଆଁଙ୍

୧. ପାଉଲ୍ ତିତସ୍‌କେ ଦରମ୍ ରେମୁଆଁଙ୍‌କେ ସ୍ତ୍ରି ନ୍‌ସା ଆଦେସ୍ ବିଃଡ଼ିଂକେ । ୧:୧-୧୭
୨. ତେନ୍ ଇଡ଼ିଙ୍ଗ୍ ମେଁ ଶ୍ରିଗ୍ ରେମୁଆଁଙ୍‌କେ ଦରମ୍‌ରେ ରୁଆଡିକେ ତିଂନେସା ମେଁନେ ଇସ୍‌ପରକେ ଇକ୍‌ଚା ତିଂଏ, ଆଡେନ୍ ବିସଏରେ ପୁରୁସ୍କାର ବିନେସା ଆଦେସ୍ ବିଡ଼ିଂକେ । ୨:୧-୩:୧୧

୩. ସାରାସାରି ପାଉଲ୍ ମେଁନେ ସାରାସାରି ସାମୁଆଁ ବାସଙ୍ଗତେ ଆଃତାତିଂକେ । ୩:୧୨-୧୫

୧ ନେଙ୍ଗ ପାଉଲ୍ ଜିସୁ କିସ୍ତ ବେକ୍ଲେ ଇସ୍ପରନେ ଦାସ୍ ତିତସ୍ନେ ତାଗ୍ରା ଗୁଆରଣ୍ଡିଙ୍ଗ୍ । ଇସ୍ପର ସ୍ତ୍ରିକ୍ଲେ ରେମୁଆଁଇଂ ବିସ୍ବାସ୍କେ ତାଟ୍ ଆଡିଙ୍ଗ୍ନେ ସା ବାରି ମେଁଇଂନେ ଦର୍ମ ବିସ୍ବାସ୍ନେ ସତ୍ ଆଡାତ୍ରା ଆମେଇଂକେ ଚେଡ୍ନା ଆଡିଙ୍ଗ୍ନେ ନେଙ୍ଗ ପାଙ୍ଗ୍ଲେଃକେ ।

୨ ଅଃସେ ଜୁଗ୍ବାନ୍ ଇସ୍ପର ଆନେଃକେ ଆକେନ୍ ଜିବନ୍ ବିଃନେ ନ୍ସା ପାରମାନ୍ ତିଂବକେ । ଇସ୍ପର ନାଲେରେ ଶୁ ।

୩ ଆତେନ୍ ଆତାକ୍ଲେ ପାରାନ୍ ସତ୍ ବାସଙ୍ଗମ୍ପାଃକ୍ଲେ ଇସ୍ପର ଅସେବାନ୍ ପାରମାନ୍ ତିଂଚେ ସମାନ୍ ବେଲା ନିଜ୍ରେନେ ବ୍ଲାଲିର୍ ବାଲିର୍କ୍ଲେ ବାନ୍ ଆନାବକେ; ଆତେନ୍ ବ୍ଲାଲିର୍ ବାଲିର୍ନେ ଲିଗିଙ୍ଗ୍ ନେଃନେ ଆମ୍ବ୍ ଶ୍ଟ୍ରେ ଇସ୍ପରନେ ଆଦେସ୍ ଇସାବ୍ରେ ନେଙ୍ଗ୍ ତାଗ୍ରା ଅପେଃ ବିବକେ ।

୪ ✨ନିଂ ତିତସ୍ ତାଗ୍ରା ଆକେନ୍ ଉଲିଆଃ ଗୁଆରଣ୍ଡିଂକେ: ଆବା ଇସ୍ପର ଆରି ନେନେ ଆମ୍ବ୍ ଶ୍ଟ୍ରେ ଜିସୁ କିସ୍ତନେ ତାଗ୍ରା ଲିବିସ ଆରି ସାକ୍ତି ବିଃଲେଃ ।

କ୍ରୀଟନ୍ନିଆ ତିତସ୍ନେ କାମ୍

୫ ଆତାକ୍ଲେ କାମ୍ ସାପା ଆଃତା ନ୍ସା ଆରି ନେଙ୍ଗ୍ନେ ଆଦେସ୍ ଏତେ ସାପା ଇନିନ୍ନିଆ ମଣ୍ଡଲିନେ ମ୍ଲାନେତାକେ ଆମିସୁନ୍ସା ନେଙ୍ଗ୍ ଆପେକେ କ୍ରୀଟନ୍ନିଆ ଆଃତାଚ୍ରେ ପାଙ୍ଗ୍ ନ୍ଲେଃକେ । ଏନ୍ ବିସ୍ମରେ ନେଙ୍ଗ୍ନେ ସିକ୍ୟା ଆଣ୍ଡେଙ୍ଗ୍ ମନେ ତିଙ୍ଗ୍ପା ।

୬ ✨ମୁଡି ରେମୁଆଁନେ ଦସ୍ଶୁ ଆରି ମୁଇଙ୍ଗ୍ ସେଲାମ୍ବୁଃ ଆଣ୍ଡାଣ୍ଡେ ତିଙ୍ଗ୍ ଲେଃଏ ଜାଣ୍ଡେନେ ଉଙ୍ଗ୍ଡେଇଂ ବିସ୍ବାସି ତିଙ୍ଗ୍ଲେଃଏ ବାରି ଦଦ୍ୟା ବିସ୍ମରେ ଅପ୍ମାନ୍ ଶୁଲା ଅମାନି ଆଲେଃ ଶୁ ଆମେକେ ସିପା ।

୭ ଇସ୍ପରନେ କାମ୍ରେ ଦାଇଡ୍ନିଆ ଲେଃକ୍ଲେ ମଣ୍ଡଲିନେ ନେତା ସାପା ଦସ୍ ଶୁ ଲେଃନେ ଦର୍କାର୍ । ମେଁ ଗରବ୍ ଆରି ଦାପ୍ରେ ଗିସେ ତିଙ୍ଗ୍ ଆଲେଃ ଶୁ । ମେଁ ଜାବର୍ ବାବ୍ରେ ସାଗ୍ରା ଆଉଗ୍ଶୁ

✨ ୧:୪ ୨ କରିନ୍ତଃ ୮:୨୩; ଗାଲାତିୟ ୨:୩; ୨ ତିମତି ୪:୧୦. ✨ ୧:୭ ୧ ତିମତି ୩:୨-୭.

ମେଁ ଝିଙ୍କୁଆଃରିଆଃ ଡିଙ୍କୁ ଆଲେଃ ଶୁ । ବିନଶ୍ରେକେ ନାଲେଚେଃ ସାଉକାର୍ ଡିଙ୍କୁ ନସା କାଲାଆଃ ଚେସ୍ଟା ଆଃଡିଂ ଶୁ ।

୮ ମାତର୍ ନିଜର୍ ତୁଆ ରେମୁଆଁକେ ସାର୍ଲଚେ ସାଈଜ ଡିଙ୍କୁ ନସା ତରକ୍ ଡିଙ୍କୁଲେଃଏ । ମେଁ ନିମାଶ୍ଟା ବିସୟକେ ଆଲାଦ୍ ଡିଙ୍କୁଲେଏ ଜାନି ଡିଙ୍କୁଲେ ଦରମ୍ ବାବ୍ରେ ଜିବନ୍ ଆତୁଆଚେ ଲେଃଏ । ମେଁ ପବିତ୍ର ଡିଙ୍କୁ ଲେଃଏ ଆରି ନିଜେକେ ଆଦ୍ରିଗ୍ ଯାଏ ନେନେ ସଡ୍ନେ ଆଶ୍ଟିନେ ରକମ୍ ବୁଦି ବିନେଡିଙ୍କୁ ମୁଈଙ୍କୁ ଦର୍ମ ନେତା ସାବୁ ବାବ୍ରେ ଆତେନ୍ ପାଲନ୍ ଡିଙ୍କୁଲେଏ ।

୯ ନେ ନେବାସଙ୍ଗକ୍ଲେ ନିମାଶ୍ଟା ବ୍ଲାଲିରକେ ମେଁ ତାଟ୍ ବାବ୍ରେ ବିସ୍ବାସ୍ ଡିଙ୍କୁଲେଃଏ । ଏନ୍ ବ୍ଲାଲିର୍ ସତେଆ ଦରମ୍ ଗ୍ୟାନ୍ ଆଡାଡା ଆରେ ବକେ ଆରି କାଲାଆଃ ନସା ବେବଆର୍ ଡିଙ୍କୁଏ । ଏନ୍ ବ୍ଲାଲିର୍ନେ ସଡ୍ ବୁଦିନ୍ନିଆ ବିଶ୍ରେକେ ଗ୍ରଥନ୍ ଡିଙ୍କୁ ନସା ଆରି ଆକ୍ମେକେ କୁଟ୍ ଡିଙ୍କୁକ୍ଲେ ରେମୁଆଁକେ ଅବିସ୍ବାସ୍ ସ୍ଥୁ ଆଃଡିଙ୍କୁ ନସା ମେଁନେ ଅଦିକାର୍ ଲେଃଏ ।

୧୦ ମାତର୍ ଗୁଲୁଏ ଅମାନି ରେମୁଆଁ ମିର୍ ବ୍ଲାଲିର୍ ବାସଙ୍ଗମ୍ୟାଃକ୍ଲେ ବାବବାଦି ବାରି ନାଲେନେ ରେମୁଆଁକେ । ସାରାସାରି ପବିତ୍ର ଡିଙ୍କୁଲେକ୍ଲେ ରେମୁଆଁକେନେ ବିତ୍ରେ ଲେଃକେ ।

୧୧ ଆମେକ୍ଲେ ତୁମୁଆଃ ବନ୍ଦ୍ ଆଡିଙ୍କୁନେ ଦରକାର୍ । ତାଗ୍ଲା ମେକ୍ ଆଲାଜୁ ରକମ୍ ମାତର୍ ତାରୁ ଲବ୍ ଆଡିଙ୍କୁନସା ଦରକାର୍ ଶୁନେ ଗ୍ୟାନ୍ ବିଚେ ଗୁଲେ ପରିବାର୍ ବିତ୍ରେ ଅସାନ୍ତି ସୃଷ୍ଟି ଡିଙ୍କୁ ଆରଡିଂକେ ।

୧୨ ଚାକର୍ନେ ଆଦିବାସୀକ୍ଲେନେ ବିସୟରେ ମେଁକ୍ଲେନେ ମୁକ୍ ବାବବାଦି ବାସଙ୍ଗବକେ । “ଚାକର୍ନେ ରେମୁଆଁକେ କାଲାଆଃ ଦଦ୍ୟା ରେମୁଆଁକେ ମେକ୍ ଚିଲି ଚଙ୍ଗନେ ପୁସୁ ରକମ୍ । ନିସଡ୍ ବାରି ମ୍ଲା ସୁଲୁଏ ।”

୧୩ ମେଁକ୍ଲେନେ ଏନ୍ ବ୍ଲାଲିର୍ ସଡ୍ । ଏଲେଡିଗ୍ ପେ ଦେକ୍ ରକମ୍ ରେମୁଆଁକେ ଜାବର୍ ଝିଙ୍କୁପା । ଏଲେଡିଗ୍ ଆତେନ୍ବାନ୍ ମେକ୍ ଦରମ୍ ବାରି ଦର୍ମ ବିସ୍ବାସ୍ ଆଡାଡା ଆଶ୍ଟେ ଝିଗ୍ ଆରେ ।

୧୪ ସଡ୍କେ ଅମାନି ତିଂକ୍ଲେ ରେମୁଆଁକେ ନିଡିନିୟମ୍ ଆରି ଜିଉଦିକ୍ଲେନେ କାପାଲେ ଗୁଆର୍ ବକ୍ଲେ ସାମୁଆଁକ୍ଲେ ଗ୍ରଥନ୍ ଡିଙ୍କୁ

ନ୍ୟା ଆମେଇଂକେ ବୁଦି ବିଃପା ।

୧୫ ପବିତ୍ର ରେମୁଆଁଇଂ ନ୍ୟା ସାପା ଆଃ ପରଚଲ୍; ମାତର୍ କଲକ୍ ଆରି ଅବିସବାସିଇଂ ନ୍ୟା ଆଣ୍ଟିନେ ବିସୟ୍ ତିଗ୍ ପବିତ୍ର ଶୁ ଡାଗ୍ଲା ମେଁଇଂନେ ମନ୍ ଆରି ତିନ୍ତା ମ୍ବାକ୍ତିଗ୍ ନୁଗ୍ କଲକଲ୍ଲା ।

୧୬ ଆତେନ୍ ରେମୁଆଁଇଂ ବାସଙ୍ଗ୍ ଡେ ମେଇଂ ପର୍ମେସର୍କେ ମ୍ୟାନେ ଲେଃକେ । ମାତର୍ ଆଣ୍ଟିନେ ସାପା ଦଦ୍ୟା କାମ୍ ମେଇଂ ତିଙ୍ ଆର୍ଡିଂକେ ଆତେନ୍ବାନ୍ ମ୍ୟାଃଆର୍ଏ ଡେ ମେଇଂ ପର୍ମେସର୍କେ ଗ୍ରଅନ୍ ଆଡିଙ୍ ଆର୍ଏ ଶୁ । ମେଇଂ ବୟ୍ଙ୍କାର୍ ରେମୁଆଁ, ଆଦେସ୍ ବିରଦ୍ ଆରି ମେଃଡିଗ୍ ନିମାଣ୍ଡା କାମ୍ ନ୍ୟା ନିମାଣ୍ଡା ଶୁ ।

୨

ସତ୍ ଦର୍ମ

୧ ନେନେ ଦରମ୍ ବିସୟ୍ଇଙ୍ଗ୍ ବୁଲ୍ ମାଡିଂନେ ସୁଗୁଆ ବୁଦି ବିଃପା ।

୨ ମ୍ବାରେଇଂକେ ବୁଦି ବିଃପା ଡେ ମେଇଂ ବାଃଲିର୍ବାତାରେ ନିମାଣ୍ଡା, ବିଚାର୍ ତିଙ୍ନେ ବାରି ଆମ୍ବାକେ ଆମିସୁନ୍ୟା ଜାନି ତିଙ୍ଆର୍ଲେଃ । ମେଇଂ ବିସ୍ବାସ୍ରେ ଆଲାଦ୍ନିଆ ଆରି ସାହାସ୍ରେ ଡାଟ୍ ତିଙ୍ନେ ଦରକାର୍ ।

୩ ତୁକ୍ତି ସେଲ୍ମାମ୍ବୁଃଇଂକେ ବୁଦି ବିଃପା ଡେ ମେଇଂ ଜିବନ୍ନିଆ ପବିତ୍ର ତିଙ୍ଆର୍ଲେ । ମେଇଂ ବିନ୍ ରେମୁଆଁଇଂନେ ବିରଦ୍ରେ ଆବାସ୍ ଆର୍ଲେ ଆରି ସାଗ୍ରା ଉଗ୍ନେ ଅବ୍ୟାସ୍ ଆବୁଲେଃ । ମେଇଂ ନିମାଣ୍ଡା ସାମୁଆଁନେ ବୁଦି ବିଃଆର୍ଲେ ।

୪ ଦେକ୍‌ରକମ୍ ବାବ୍ରେ ମେଇଂ ସେଲ୍ମାମ୍ବୁଃଇଂକେ ମେଁଇଂନେ ଆଣ୍ଡା ଆରି ଗଡେଇଂକେ ବଲ୍ ବାନେ ସିକେଆର୍ଏ ।

୫ ମେଇଂ ସେଲ୍ମାମ୍ବୁକେ ଆଃସିକେ ଯାଆର୍ଏ ଡେ, ମେଇଂ ଜାନି ଆରି ପବିତ୍ର ତିଙ୍ଆର୍ଲେ । ନିମାଣ୍ଡା ସେଲ୍ମାମ୍ବୁ ତିଙ୍ଆର୍ଲେ, ଲିବିସ୍ ତିଙ୍ ଆର୍ଲେ ଆରି ନିଜର୍ ଆଣ୍ଟିନେ ସାମୁଆଁ ମାନେଃଆର୍ଲେ, ତେଲ୍ଲା ବିନ୍ନେ ରେମୁଆଁ ଆନେକେ ବିବକ୍ଟେ ପର୍ମେସର୍ନେ ସାମୁଆଁ ବିସୟ୍ରେ ବାଲିର୍ବାତା ତିଙ୍ ଆୟାଆର୍ ଶୁ ।

୬ ଦେଡ୍ ରକମ୍ ଜିରେଇଂକେ ବାସଙ୍ଗ୍ ଡେ ମେଇଂ ଜାନି ତିଙ୍ ଆର୍ଲେ ।

୭ ପେ ନିଜେ ଈ୍ମରେଇଂ ନସା ସାପା ବେଲା ନିମାଣ୍ଡା ଆଃସୁଏନ୍ସା ନିମାଣ୍ଡା କାମ୍ ତିଙ୍ଗ୍ନେ ଦରକାର୍ । ପେନେ ସିକେନ୍ନିଆ କୁଟ୍ ଶୁ ବୁାରି ବୁଂ ଲାଲାପା ।

୮ ତେଲା ଜାଣ୍ଡେ ଆପେକେ କୁଟ୍ ସାମୁଆଁ ବାସଙ୍ଗ୍ ଆୟାଆର୍ ଶୁ ବାରି ପେନେ ସତୁଇଂ ନେଁଇଂନେ ବିରଦ୍ନିଆ ବେକାର୍ ନିନ୍ଦା ଆତିଙ୍ଗ୍ ଆୟାଆର୍ ଶୁ ।

୯ ଚାକରଇଂକେ ତିଗ୍ ନେଁଇଂନେ ମାଲିକ୍‌ଇଂନେ ସାମୁଆଁ କାଲାଆଃ ମାନେଃ ନସା ବାସଙ୍ଗ୍ପା । ମେଇଂ ମାଲିକ୍‌ଇଂନେ ସାର୍ଦାରେ ବଆର୍ଏ, ମେଁଇଂନେ ଏତେ ଅଡକ୍ ଅଡକ୍ ଆତିଂଆରଗେପା ।

୧୦ ମେଃଡିଗ୍ ମାଡଙ୍ଗ୍‌ତେ ବାରି ସମାନ୍ ବିସ୍‌ବାସ୍ ଆନ୍ ଆର୍ଏ । ତିରକମ୍ ସାପା ବିସ୍‌ୟନ୍ନିଆ ନିଜର୍ ଆମ୍‌ଶ୍ରେ ଇସ୍‌ପର୍‌ନେ ଗ୍ୟାନ୍‌ନିଆ ଅଲଙ୍ଗାର୍ ରକମ୍ ତିଙ୍ଗ୍ପା ।

୧୧ ତାଗ୍ଲା ସାପା ରେମୁଆଁନେ ଉଦାର୍ ନସା ଇସ୍‌ପର୍‌ନେ ଲିବିସ୍ ନ୍ମା ଲେଃକେ ।

୧୨ ବାରି ନେ ତିରକମ୍ ଅଦରମ୍ ଆରି ସଂସାର୍‌ନେ ଲାଲ୍‌ସା ଆନ୍ତାର୍ ବିଚେ ଏନ୍ ଏବେନେ ଜୁଗ୍‌ନିଆ ନିମାଣ୍ଡା ବୁଦି ଦରମ୍ ଆରି ଇସ୍‌ପର୍ ସାର୍ଦା ଆତିଙ୍ଗ୍‌କେ ରକମ୍ ବୁଆ ତିଂକେ ନେତିଙ୍ଗ୍ପା ।

୧୩ ମ୍ମା ଇସ୍‌ପର୍ ବାରି ନେଁଇଂନେ ଆମ୍‌ଶ୍ରେ ଜିସୁ କିସ୍‌ଟନେ ଗୌରବ୍ ଆନ୍ ନସା ଝେତିଂକେ ଆତେନ୍ ଦିନ୍‌ନେ ଉର୍ ନେଲେକେ ।

୧୪ ଆନେକେ ସାପା ଦଦ୍ୟା କାମ୍ ବାନ୍ ମୁକ୍ତି ଆତିଙ୍ଗ୍‌ତେ ସଡକାମ୍ ଆଡାତ୍ରା ଇକ୍‌ଟା ଆତିଙ୍ଗ୍‌ନସା ଜିସୁ କ୍ରିସ୍ଟ୍ ମିଆଁ ବିଃକେ । ଏନ୍‌ବାନ୍ ନେ ପବିତ୍ର ତିଙ୍ଗ୍‌ତେ ମେଁନେ ନିଜର୍ ରେମୁଆଁ ତିଙ୍ଗ୍‌ନସା ନେନେ ସୁଜଗ୍ ବାନ୍‌ଲେଃକେ ।

୧୫ ଏନ୍ ସାପା ବିସ୍‌ୟ ବୁଦି ବିଃପା ବାରି ପେନେ ବର୍ଡି ଅଦିକାର୍ ବେବଆର୍ ତିଙ୍ଗ୍‌ତେ ରେମୁଆଁକେ ସାର୍ଦା ଆତିଙ୍ଗ୍‌ପା । ଦରକାର୍ ତିଙ୍ଗ୍‌ଲା ଆମେଇଂକେ ବାସଙ୍ଗ୍‌ତେ ତରକ୍ ଆଃତିଂବିପା । ଆପେକେ ବକୁଆ ଆତିଙ୍ଗ୍ ନସା ଅଃନାତିଗ୍ ସୁଜଗ୍ ଆବିଗ୍‌ପା ।

୩

କ୍ରିସ୍ଟିୟ ବେବଆର୍

୧ ସାସନ ଡିଙ୍ଗୁଣ୍ଡେ ଆରି ଅଦିକାର ବାଲେଝକ୍ତେ ରେମୁଆଁଇଁନେ ଆଦେସ୍ ମାନେଝରେ ମେଁଇଁନେ ଆଦେସ୍ ମାନେନେ ନସା ଆରି ସାପା ସଡ଼ ସ୍ନେନିଆ ସାଇଜ ଡିଙ୍ଗୁଣ୍ଡା ତିଆର୍ ଲେଝନସା ମଣ୍ଡୁଲିନେ ରେମୁଆଁଇଁକେ ଆଝଅଁ ବିଝପା ।

୨ ଜାଣ୍ଡେନେ ନିନ୍ଦା ଆଡିଙ୍ଗୁ ନସା । ଜାଣ୍ଡେନେ କୁଟ୍ ମାଡିଙ୍ଗୁ ନସା । ସାନ୍ତି ଆରି ଦରମ୍ ବାବରେ ଚଲେନସା ଆରି ସାପାରେନେ ଆଡ଼ାଡ଼ା ସମାନ ରକମ୍ ଆସୁଏ ନସା ଆମେଇଁକେ ଆଦେସ୍ ବିଝପା ।

୩ ଅଝସେ ନେ ଡିଙ୍ଗୁ ମୁର୍କ୍ ନେଲେକେ । ନେନେ ମେଁଇଁନେ ସାମୁଆଁ ମାନେନେ ନେଡିଙ୍ଗୁକେ ଶୁ । ଦଦ୍ୟା କାମ୍ ତିଗ୍ ନେଡିଙ୍ଗୁକେ । ନେନେ ସାପା ରକମ୍ ଗାଗ୍ଡେନେ ଲାଲ୍‌ସା ବାରି ବଗେନେ ଚାକର୍ ନେଲେକେ । ନେନେ ଇଂସା ଆରି ରିସାନ୍ନିଆ ଜିବନ୍ କାଚେ ନେଡିଙ୍ଗୁକେ । ରେମୁଆଁଇଁ ଆନେକେ ଇଙ୍ଗଚେ ଡିଙ୍ଗୁ ଆରକେ ଆରି ନେନେ ତିଗ୍ ନିଜର୍ ବିତ୍ତେ ଇଙ୍ଗଚେ ନେଡିଙ୍ଗୁକେ ।

୪ ମାତର୍ ଆମ୍‌ଣ୍ଡେ ଇସ୍‌ପର୍ ନିଜେ ରେମୁଆଁଇଁନେ ଆଡ଼ାଡ଼ା ମେଁନେ ଲିବିସଞ ଆରି ଆଲାଦ୍ ଆସୁଏଚେ ଆନେକେ ରକ୍ୟା ଡିଙ୍ଗୁ ବକେ ।

୫ ଆତେନ୍ ବେଲା ମେଁ ଆନେକେ ସଡ଼ କାମ୍‌ନେ ରୁରୁ ରକମ୍ ଆକେନ୍ ଆଡିଙ୍ଗୁକେ ଶୁ । ଡାଗ୍ଲା ମେଁନେ ଦୟାରେ ପବିତ୍ର ଆମ୍‌ ଲିଗ୍‌କ୍ତେ ବାନ୍ ନେନେ ପାପ୍ ସାପା ଗଡ଼ିଆ ଝେଲେକେ ଆରି ନେନେ ମି ଜନମ୍ ପାଙ୍ଗଚେ ଉଦାର୍ ବାନେଲେଝକେ ।

୬ ନେଁଇଁନେ ଆମ୍‌ଣ୍ଡେ ମାପୁ ଜିସୁ କିସ୍‌ଚନେ ବାନ୍ ଇସ୍‌ପର୍ ଆନେକେ ଜାବର୍ ବାବରେ ପବିତ୍ର ଆମ୍‌ ଦାନ୍ ତିଂବକେ ।

୭ ମେଁନେ ଲିବିସ ବାନ୍ ନେନେ ଇସ୍‌ପର୍‌ନେ ସାମ୍‌ନାନ୍ନିଆ ଦରମ୍ ଡିଙ୍ଗୁଚେ ନେଁଇଁନେ ଆସା ଅନୁସାରେ ମାଡାନେ ଜିବନ୍‌ନିଆ ଝେଚା ନସା ସୁଜଗ୍ ନେବାକେ ।

୮ ଏନ୍ ସାମୁଆଁ ବିସ୍‌ବାସ୍ ଏନ୍ ସାପା ବିସ୍‌ୟ୍ ଆଡ଼ାଡ଼ା ପେ ଜବର୍ ଦ୍ୟାନ୍ ବିଚେ ପେରୁଜେଏ ଜେ ଜାଣ୍ଡେଇଁ ଇସ୍‌ପର୍‌ନେ ଡାଗ୍ଲା ବିସ୍‌ବାସ୍ ଡିଙ୍ଗୁ ଆରେ ମେଇଁ ସଡ଼କାମ୍ ଡିଙ୍ଗୁଚେ ଇକ୍‌ଚା ଡିଙ୍ଗୁନେ ଦର୍‌କାର୍; ସାପାରେ ନସା ମେଁନେ ଦର୍‌କାର୍ ଆତେନ୍ ସାପା ସ୍ନେନିଆ ମନ୍ ଲେଝନେ ଦର୍‌କାର୍ ।

^୯ ମୁରକନ୍ନିଆ ବରତି ଜୁକ୍ତାଜୁକ୍ତି କୁଲବଂସନ୍ନିଆ ଜୁକ୍ତି ଓଁକ୍ଥାଆଃ ମସାନେ ନିଅମ୍ ବୁଦି ଆଣ୍ଡେକ୍ ବିସୟରେ ରିକ୍ତନେ ବାନ୍ ସ୍ମ ଲାଲାପା । ଆଡେନ୍ ଆଣ୍ଡେକ୍ ମୁଲ୍ୟହିନ୍ ଆରି ରେମୁଆଁକେ ସାଇଜ ଆଃଡିଂ ଶୁ ।

^{୧୦} ପୁନ୍ଦି ଆଃଡାର ମ୍ୟାକ୍ଟେ ରେମୁଆଁକେ ମ୍ପାର୍ ତର୍ ତରକ୍ ସାମୁଆଁ ଆଃ ଅଁ ବିଃପା ତେଲା ତିଗ୍ ମେଁ ଆଦ୍ରିଗ୍ ଶୁ ମେଁନେ ଏଡେ କୁଡେନେ ଆଡ୍ରାର ବିଃପା ।

^{୧୧} ଯେ ମ୍ୟା ଯେଲେକେ ଦେକ୍ ରକମ୍ ରେମୁଆଁ ତିରକମ୍ ଅନ୍ୟାୟ୍ ତିଏ ମେଁନେ କାମ୍ ଆଣ୍ଡେକ୍ ବାନ୍ ମେଁ ନିଜେକେ ପାପିଷ୍ଟ ଡାଗ୍ରେ ନିଜେ ଆସୁଏ ବିଏ ।

ଡାକ୍ଟେ ସାମୁଆଁ

^{୧୨} ନେକ୍ ଉଡି ବେଲା ଯେନେ ଡାଗ୍ରା ଆର୍ଡେମା ଆରି ତୁଖୁକକେ ମ୍ପେଏ, ଯେ ନିକପଲୀନ୍ନିଆ ପାକ୍ତନ୍ସା ଦାପ୍ରେ ଚେସ୍ଟା ତିକ୍ପା, ଆଡ୍ଅରିଆ ନେକ୍ ରାସଃକିଗ୍ କାଚେନ୍ସା ଆର୍ମେ ମ୍ପକେ ।

^{୧୩} ✱ଅକିଲ୍ ଜିନା ଆରି ଆପଲ୍ଲ ଆଡ୍ଅରିଆବାନ୍ ପାକ୍ ତିକ୍ ଆରକେ । ମେଁକ୍ନେ ପାକ୍ନେ ଗାଲି ନ୍ସା ଯେ ଦାପ୍ରେ ସାଇଜ ତିକ୍ପା । ଯେ ତରକ୍ ଲାଃଲାପା ଜେ ମେଁକ୍ନେ ମେଃଡିଗ୍ ଅସ୍ବିଦା ଆଡିକ୍ଲେ ।

^{୧୪} ନିଜର୍ ପାରାନ୍କେ ସଡ୍ ସ୍ମେନିଆ ତୁଂଖେ ନ୍ସା ରେମୁଆଁକ୍ ସିକେନେ ଦରକାର୍ । ଜାଣ୍ଡେକ୍ନେ ସଡେଆଃ ଦରକାର୍ ମେଁକ୍ନେ ମକ୍ଲ୍ ତିକ୍ପା । ମେକ୍ କାମ୍ ମାଡିକ୍ରେ କ ଆଲେଆରଲେ ।

^{୧୫} ନେକ୍ ଏଡେ ଲେଃକ୍ଟେ ସାପାରେ ଆପେକେ ସାର୍ଲ ତିକ୍ ଆର୍ଡିଂକେ । ବିସ୍ବାସ୍ ବିସୟରେ ଜାଣ୍ଡେକ୍ ଆନେକେ ଆଲାଦ୍ ତିକ୍ତିଂକେ ଆମେକ୍ନେ ସାର୍ଲପା । ପର୍ମେସ୍ପର୍ମେନେ ଲିବିସ ଯେ ସାପାରେନେ ଏଡେ ଲେଃଲେ ।

✱ ୩:୧୩ ପ୍ରେରିଡ୍ ୧୮:୨୪; ୧ କରିନ୍ତିୟ ୧୨:୧୨.

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାତୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c